

**Naartunermi, erninermi meeravissiarthaarnermilu sulinnigiffeqartarneq pillugu  
Inatsisartut inatsisaat nr. 5, 19. november 2020-meersoq UKA24-mut  
allannguutissaanik siunnersuusioqqullugit Naalakkersuisut peqquneqarnissaannik  
inatsisartut aalajangiiffisassaattut siunnersuut, taamaaliornikkut ataataaqataasup  
ernereernerup meeravissiarthaareernerulluunniit kingorna anaanaaqataasut assigalugit  
sulinnigiffeqarsinnaalerseqqullugu.**

*(Inatsisartunut ilaasortaq, Peter Olsen, Inuit Ataqatigiit)*

pillugu

**Ilaqtariinnermut Peqqissutsimullu Ataatsimiititaliap**

**siunnersuutit aappassaaneerseqarnerannut**

**ISUMALIUTISSIISSUTAA**

Ataatsimiititaliap suliarinninnermini uku ilaasortarai:

Inatsisartunut ilaasortaq Mala Høy Kuko, siulittaasoq  
Inatsisartunut ilaasortaq Bjørk Lange Olsen, siulittaasup tullia  
Inatsisartunut ilaasortaq Doris J Jensen, Siumut  
Inatsisartunut ilaasortaq Dines Mikaelen, Siumut  
Inatsisartunut ilaasortaq Mikivsuk Thomassen, Inuit Ataqatigiit  
Inatsisartunut ilaasortaq Eqaluk Høegh, Inuit Ataqatigiit  
Inatsisartunut ilaasortaq Knud Mathiassen, Attaviitsoq

UKA2023-imi oktoberip 18-ani siullermeerinerup kingorna siunnersuut ataatsimiititaliap misissorpaa.

### **Siunnersuutip imarisaa siunertaalu**

Siunnersuutigineqartumi pineqarpoq naartunermi, erninermi meeravissiarthaarnermilu sulinnigiffeqartarneq pillugu Inatsisartut inatsisaata allanngortinneqarnissaa, taamaaliornikkut meeqqamik meeravissiarthaarnermut atatillugu ataataaqataasut aamma sulinnigiffeqarnissaminnut piginnaatitaaffeqalersinnaaqullugit. Suiaqatigiit tamarmik naligiissinneqalernissaasa qulakkeerneqarnissaa siunertarineqarpoq, taamaalilluni anaanaaqataasut ataataaqataasullu meeravissiarthaarnermi sulinnigiffeqarnermut atatillugu assigiimmik piginnaatitaaffeqalerniassammata.

**Siunnersuutip Inatsisartunit siullermeerneqarnera**

Siunnersuut siullermeerneqarnermini tapersorsorluarneqarpoq. Anaanaaqataasut ataataaqataasullu inatsisitigut inissisimanagerat aammalu meeravissiarternermut sulinnigiffeqartarnermullu atatillugu sooq taanna allaanerunersoq pillugu oqallinnermi paatsuungasoqarlunilu nalornisoqarpoq.

Naartunermut, erninermut meeravissiarternermullu atatillugu sulinnigiffeqartalernissaq pillugu Inatsisartut inatsisaat naapertorlugu ataataaqataasut piginnaatitaaffeqalernissaannut qulakkeerinnittoqassappat meeravissiarternermut inatsit allanngorteqqaarneqartariaqartoq Naalakkersuisut akissuteqaataanni allassimavoq. Tamanna tunngavigalugu Naalakkersuisut allannguutissatut siunnersuummik ataani allassimasumik saqqummiussaqrput:

*”Angajoqqaanut suiaaqatigiittunut pisinnaatitaffiit periarfissallu pillugit UKA2024-mi nassuiaammik saqqummiinissamut Naalakkersuisut peqquneqarnissaat pillugu Inatsisartut aalajangiiffigisassaattut siunnersuut. Inatsiseqartitsinermi pissutsit pillugit nassuiaammik peqalerutta, suliaasaqarfimmi matumani inatsisitigut allannguinnissamik pisariaqartitsineq pillugu Naalakkersuisut suliamik ingerlatitseqqikkumaarput.”*

**Naalakkersuisumik ilisimatitsiffiusumik ataatsimeeqateqarneq**

Ataatsimiititaliap siunnersuummik suliaqarnerminut atatillugu Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoq ilisimatitsiffiusumik ataatsimiititaliamit ataatsimeeqatigineqarpoq. Ilisimatitsiffiusumik ataatsimeeqatigiinnermit pappiaqqat tunniunneqartut isumaliutissiissummut matumunnga ilanngunneqarput, **ilanngussaq**.

Ilisimatitsiffiusumik ataatsimeeqatigiinnermi ilaqutariit katitigaaneri assigiinnigitsut sulinnigiffeqartarnermut atatillugu inatsisitigut inissisimanagerat pillugu ataatsimiititaliaq ilisimatinneqarpoq. Inatsisitigut inissisimanagerup assigiinnigissinnaanera aammalu sooq qanorlu arnat aappariinnut angutinullu aappariinnut qanoq isumaqarnersoq nassuiarneqarluni, nammineerluni ernisimagaanni imaluunniit meerartaarniartunut anisuumik tunniussisuugaanni.

**Ataatsimiititaliap siunnersuummik suliarinninnera**

Innuttaasut tamarmik naligiissinneqarnissaat qulakkeerniarneqarmat ataatsimiititaliap pitsaasutut isumaqarfigaa. Naligiissitaanerup qulakkeerneqarnissaa kissaatigineqartoq anguneqassappat eqqortumik aallartiffeqarnissaa pingaaruteqarpoq. Naartunermut, erninermut meeravissiarternermullu atatillugu sulinnigiffeqartarneq pillugu Inatsisartut inatsisaata tulluussarneqarnissaa pisariaqarpoq, inatsilli pineqartoq inatsisinut allanut aamma attuumassuteqarpoq taakkulu sunniutissatut kissaatigineqartoq anguneqassappat aamma naleqqussartariaqassapput.

Naalakkersuisut allannguutissatut siunnersuutaat ataatsimiititaliap misissorpaa. Aappariit suaqaatigiit inatsisitigit inissisimanerisa ersarissuunissaata qulakkeerneqarnissaa allannguutissatut siunnersuuteqarnermi siunertarinearpoq. Taamaaliornikkut suliniutit suut aallartinneqassanersut ilisimasaqarfiginissaat qulakkeerneqassaaq, taamaaliornikkut ataataaqataasut anaanaaqataasut assigalugit piginnaatitaaffeqalersinnaaqullugit. Allannguutissatut siunnersuut allannguisuunngitsumik piumasqaammut naammassinnittoq ataatsimiititaliaq isumaqarpoq.

### **Siunnersuutip aningaasatigut kingunerisassai**

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnissaanut aningaasaqarnikkut allaffissornikkullu kingunerisassat siunnersuummi tunngavilersuutitut allaaserineqassasut.

Siunnersuutip piviusunngortinneqarnissaanut aningaasaqarnikkut kingunerisassat matumani siunnersuummi allanneqarsimasut ataatsimiititaliamit maluginiarneqarpoq, taamaalilluni aningaasartuutit AC-fuldmægtigip ukiumut aningaasarsiaanik 500.000 kr.-nik naleqassasooq naatsorsuutigineqarpoq.

### **Ataatsimiititaliap inassuteqaatai**

- Ataatsimiititaliami amerlanerussuteqartut Inuit Ataqatigiinneersut, Siumumeersut aammalu Demokratineersoq Naalakkersuisut allanngutissatut siunnersuutaat akuersissutigineqassasooq inassutigaat

Taamatut oqaaseqarluni isumaliutissiisummilu allassimasutut paasinnilluni matumuuna siunnersuut ataatsimiititaliap aappassaaniigassanngortippaa.

---

Mala Høy Kúko  
Siulittaasoq

---

Bjørk Lange Olsen  
Siulittaasup tullia

---

Doris J. Jensen

---

Dines Mikaelson

---

Eqaluk Høegh

---

Mikivsuk Thomassen

---

Knud Mathiassen



## Allakkiaq


23-10-2023  
Sags nr 2023-25149.  
Akt. jd. 23523855

Postboks 970  
3900 Nuuk  
Tlf. (+299) 34 50 00  
Fax (+299) 34 63 64  
E-mail: isn@nanoq.gl  
www.naalakkersuisut.gl

## Ilaqtariit assigiinngitsut sulinngiffeqarsinnaatitaanerit

### Ataata anaanalua

Angut arnarlu meerartaartillugit, anaanaasorlu ernilluni.  
Nalinginnaasumik sulinngiffeqarsinnaatitaaneq.




Anaanaasoq: Erninissaq sioqqullugu sap.ak. sisamat + kingornalu sap.ak. 15-it (marlulissanut 19-it)  
Ataataasoq: erninerup kingorna sap.ak. pingasut  
Angajoqqaat sulinngiffeqarsinnaanerit (agguarneqarsinnaasoq): sap.ak. 21-t (marlulissanut 25-t)

### Anaanaasoq anaanaaqataasorlu.

Arnat marluk meerartaartillugit. Arnar aappaa anisuumik tunisisumiit naartulluni. Arnar naartulersinnagu, anisuumik tunisisoq meeqqamut ataataanissaminik naaggaassaaq, aamma arnar aappaa anaanaaqataaanissamut akuersissaaq.

Anaanaaqataasoq ataataasutut sulinngiffeqarsinnaatitaavoq.



Anaanaasoq: Erninissaq sioqqullugu sap.ak. sisamat + kingornalu sap.ak. 15-it (marlulissanut 19-it)  
Anaanaaqataasoq: erninerup kingorna sap.ak. pingasut  
Angajoqqaat sulinngiffeqarsinnaanerit (agguarneqarsinnaasoq): sap.ak. 21-t (marlulissanut 25-t)

Anisuumik tunisisoq (ataatavisoq): Pisinnaatitaaffeqanngilaq



### Ataataasoq ataataaqataasorlu

Angutit marluk arnaq, allamut meerartaassamut arnamik naartutitsineq, ikiorsiullugu meerartaartillugit. Arnaq erninermini meeqqap anaanarissavaa. Taamaattumik sulinngiffeqarsinnaatitaavoq.

Meeravissiartaarnermut malittarisassat atuuttut malillugit ataataaqataasoq taamaallaat qitornassatut meeravissiartaarnikkut meeqqamut ataatatut akuerisaasinnaavoq. Meeraq qitornassarlu imminnut ilisarissimassapput ukiut marluk affarlu. Taamaattumik ataataaqataasoq aatsaat inatsisitugut angajoqqaanngussaaq, meeqqamut atatillugu sulinngiffeqarsinnaaneq qaangiutereersoq.



Allamut meerartaassamut arnamik naartutitsineq: Ernissaq sioqqullugu sap.ak. sisamat + kingornalu sap.ak. 15-it (marlulissanut 19-it)

Ataataasoq (ataatavisoq): erninerup kingorna sap.ak. pingasut

Angajoqqaat sulinngiffeqarsinnaanerit (agguarneqarsinnaasoq): sap.ak. 21-t (marlulissanut 25-t)


Ataataaqataasoq (ataatavigingisaa): Pisinnaatitaaffeqanngilaq

### Meeravissiartaarneq

Suiaassuseq eqqarsaatigalugu assigiingisitsisoqanngilaq. Matumani aappariit arnaqatiginngisamik anguteqatiginngisamilluunniit imaluunniit suiaaqatiminik inooqateqarnerisut immikkoortinneqanngillat.

Angajoqqaat marluullutik aatsaat meeravissiartaarpata, malittarisassat atuutissapput. Taamaattumik inummut aapparissami meeraanik meeravissiartaartumut atuutinngillat. Meeravissiartaartut marluullutik sulinngissinnaatitaapput (akissarsiaqarluni imaluunniit ernereernerup kingorna ullormusiaqarluni sulinngiffeqarsinnaatitaanerunngitsoq), meeqqap aaneqarnissaa sioqqullugu. Meeraq nunani allaniit aaneqarpat sap.ak. pingasut, Kalaallit Nunaanniit aaneqarpat sap.ak. ataaseq.

Meeqqap tigoreernerata kingorna sulinngiffeqarsinnaatitaaneq angajoqqaaviit sulinngiffeqarsinnaatitaanerannut assinguvoq, taamaallaat meeravissiartaartut namminneq aalajangissavaat arlaata sap.ak. sorliit sulinngiffeqarfigissanerlugit.



Meeraq tiguneqareerpat:




Marluulluni sulinggifteqarneq: sap.ak. pingasut

Sulinggifteqarneq agguarneqarsinnaasoq: sap.ak. aqqaneq-marluk, angajoqqaasoq ataaseq taamaallaat sulinggifteqarsinnaalluni. Paarlaattarsinnaapput (marlulissanut 16-it)

Angajoqqaat sulinggifteqarsinnaanerit (agguarneqarsinnaasoq): sap.ak. 21-t (marlulissanut 25-t)

### Anaanaaqatigiit marluk, allamut meerartaassamut arnamik naartutitsineq aamma anisuumik tunisisoq



Anaanaaqataasoq pillugu malittarisassat, arnap aappaata meeqqamik ernippat taamaallaat atuupput, aamma naartulersitsineq (atoqatigiinnani kinguaassaqaalerneq) atorlugu napparsimmavimmi meerartaartoqarpat. Allamut meerartaassamut arnamik naartutitsinermi napparsimmavik ikiuussimassangilaq.

Arnaq meerartaartoq tassaavoq inatsisitigut anaanaasoq. Anisuumik tunisisoq aallaaviatigut meeqqap inatsisitigut ataatarissavaa, kisianni anisuumik tunisineq kinaassutsimik isertuussinikkut pisinnaalluni, imaluunniit arnap naartulingginnerani isumaqatigiissusiortoqarluni, ataataanissani naaggaassagaa.

Aappariit allamut meerartaassamut arnamik naartutitsippata, nalinginnaasumik ataataasoq tassaassaaq inatsisitigut ataataasoq. Anaanaaqatigiit marluk meeqqamut inatsisitigut angajoqqaajussangillat, taamaattumillu qitornassatut meeravissartaarnermi malittarisassat atorneqarsinnaanatik. Aappariit neriutigisinnaavaat meeraq ilaqtutut imaluunniit meeqqatut allatut meeravissartaarisinnaallugu. Meeravissartaarnermi malittarisassat malillugit, aappariit allamut meerartaassamut arnamik naartutinneqartumut arlaatigut akiliisoqarsimappat, meeravissartaarneq inerteqqutaassaaq.

Meeqqamik allamik meeravissartaarnermi piumasaqaataavoq aappariit meeravissartaartussatut oqartussanit akuerineqaaqassasut, tamatuma kingorna meeravissartaarnissamut meeraq utaqqisut allattorsimaffiannut allanneqassaaq, kingornalu meeqqap meeravissartaartussanilu tulluunnerpaat akornanni meeravissartaarneq ingerlanneqassalluni. Allamut meerartaassamut arnaq naartutinneqartoq nunami allami najugaqarpat, nunami allami meeravissartaarnermut tunngatillugu oqartussat aamma suleqatiginissaat pisariaqarpoq. Meeraq inunngorpat, allamut meerartaassamut arnaq naartutinneqartup meeraq meeravissartaarineqartussangortissavaa, tamatumalu kingorna aappariit neriuteqarlutik meeqqamut tassungarpiaq tulluurtutut inissinneqarlutik. Aappariit meeqqamut kikkut angajoqqaannforlutik toqqarneqassanersut minnerpaamilluunniit sunniuteqarfigisinnaangilaat. Taamaattumik naggataatigut meeraq taannarpiaq meeravissartaarisinnaaneraat pillugu ilimanassuseqarnera *annikitsuaraannaavoq*.

Aappariinnit maani allamut meerartaassamut arnamik naartutinneqartartutut ilisimaneqartoq atorneqarpat, allamut meerartaassamut arnamik naartutinneqartup kommuni qinnuigisinnaavaa meeraq anaanaaqatigiinni marlunni angajoqqaarsianngortillugit inissinneqassasoq, taakkualu piffissap ingerlanerani meeravissartaarnissaq qinnutigisinnaallugu. Meeqqamut immikkut attuumassuteqarneq pisariaqarpoq, taamaattumillu meeraq aappariinni ukiut arlallit najugaqqaartaarluni.

Meeraq angajoqqaarsiani inissinneqarnerani aappariit angajoqqaarsiatut sulinggifteqarsinnaapput.



Allamut meerartaassamut arnap naartutinneqartup meeraq angajoqqaarsianut inissinniarlugu toqqarpagu, meeraanut allanut ajortumik kinguneqarsinnaavoq, kommunimummi misissussallugu pisariaqalissammat angerlarsimaffimmi meeqqat allat tapersorsorneqarnissamik pisariaqartitsinersut. Anaanap kommuni oqaluttuuppagu, meerartaani paarisinnaanagu, meeqqani allat aamma paarisinnaanngikkai kommunip naliliinissaanut aarlerinartoqarpoq. Kommuni aamma aalajangersinnaavoq, meeraq ilaqutariinnut allanut imaluunniit ulloq unnuarlu paaqqinnittarfimmut inissinneqassasoq. Ilanngullugu kommuni tassaavoq meeqqap inissinneqarnissaa pillugu aalajangiisussaq, innuttaasuunngitsaq.

Anaanaaqatigiinnut sulinngiffeqarneq: Piviusumik soqanngilaq. Eqqarsaatigineqarsinnaavoq aappariit angajoqqaarsiatut sulinngiffeqarnissaminnut akuerineqarsinnaasut (pisumi matumani tamakkiisumik sulinngiffeqarneq).

Betina Danielsen